

Ленинэнь киява

ВЛКСМ-нь Мокшэрзянь обкомонт ды Саранскоень ошонь комитетэнь газетаст

ИЮЛЕНЬ

21 чн,

1937 ие

№ 82 (756)

ЛКСИ

7-це нө
чинь ютазь

Неемс классовой врагонт нулгодькс тевохээ ды шкасто вачкодемс сынст ланга

Ламо ульнесь кортазь седе, што пединститутсо ламо асатыкст, учебно-воспитательной режимень ламо грубой колсемат ды лият. Весе нетнень (асатыкстнень ды учебно-воспитательной режимент колсематнень) коряс чумондыль институтонь руководителне эсь прят. Но сех пек чумондыль яла студенттнень.

— Чумотано минь, севномс тень кис эряволь минек, но сех пек чумотадо тынсь,—кортыль Антонов, Смирнов, Сумбаев ды народонь лият врагтнэ, конат ней пекстазь.

Кода сын эриль студенттнэ марто?

Вана вейке-кавто примерт.

Келень ды литературань факультетсэ тевесэ лавшолгадокшнось истя, што студенттнэ юткс кармасть лиснеме кортнемат сень кувалтак, бую факультетсэ кадрави преподавателтеме ды студенттнэ весе нолдасызь. Расписаниясь ульнесь теэзь мень бути налксема пелькс: течиванды максомс дисциплинат, шкат кодаткак невтезь арась, зяро дисциплинат максомс истя жо кияк а соды. Мезе теэмс, кона дисциплинантень кундамс—кияк а содыль.

Весе неть тевтне кастсь покш мельс-апаро студенттнэ юткс. Сын кармасть вешеме комсоргонт ды профоргонт пельде, штобу пурнамс промкс ды решамс весе неть вопростнэнь.

Народонь врагтнэ жо (Антонов, Смирнов, Сумбаев ды лиятне) тейсть лиякс. Сын явсть комиссия ды кармавсть тензэ, штобу муемс „чумотнень“ келень ды литературань факультетстэнь. Проверямс весе факультетэнь роботанзо ды факультетэнь промкс евтас студенттнэнь результаттнэде.

Событиятне мольсть истя, штобу теэмс течияк жо промкс ды евтнемс тосо весе мельтнень апаратнень. Промксонт пурнызь. Сась тозонь институтонь весе „руководствась“ Антонов тейсь информационной сообщения келень ды литературань факультетэнь тевтнеде-валтнеде. — Те сообщениадонт мейле народонь весе неть врагтнэ кортасть, вешнест чумотнень ды севность таго седеяк пек студенттнэ. Смирнов макссь факультетэнь исторической „анализ“, Антонов севнызе студенттнэнь политической ношка-чинть кис ды меельс-пелев мерсть: „тынь, ялгат, мезькак илядо корта, чатмонеде. Минь ансяк путыдизь известностьс. Мейле жо, зяро комиссиясь прядсы роботанзо, сестэ карматадо кортамо“. Стяко ансяк пижнест студенттнэ. Киненьгак эзь макст вал. Эзь учовт студенттнэнь се промксось, конань алтакшызь неть врагтнэ. Кадовсь сравтозь мельс-апаро юткост.

Омбоце примерсь истямо. Келень

ды литературань факультетэнь II-це курсонь студентсэ Вельдяскин емавтызе паспортнэ. Эрясь сон квартирасо. Квартирань азорсь кучи Вельдяскинэнь милиция паспортонь кис, но тозонь эрявить 100 целковойть ярмакт. Вельдяскин сермадсь заявления, штобу сонзэ стипендиястонзо максоволь те шкантень ярмакт, но Смирнов кортась аламо. Сон заявлениянь лангс черкстась, штобу Вельдяскинэнь поместил институтонь комендантось общежитияв. Общежитиятнесэ жо вейкеяк тарка арасель ды улемскак а косто, шкась уш ульнесь теле.

Истя „витизе“ Смирнов Вельдяскинэнь мелявксонзо, конатась лоткась тонавтнемадонть ды ней роботы. Истя сравтыль а вадрыксист студенттнэнь юткова ды кепидильть кежень само меленть комсомолетнэ ютксо як институтонь эрямонь коряс народонь неть врагтнэ.

Но сынст ульнест вечкевикс студентсткак. Эшо 1936-це иестэ, сексия испытаниянь шкасто испытаниявтомо приминзе Клешуновонь ды Левчаевень. Сон (Антонов) мерсь: „Тейя ломанть неть кавто писателтнень эйстэ“. Алкукская, Клешуновонь сон пирысь эрва кода ды кирдсь эйсэнь се чинть самс, зяро НКВД сь пекстызе. Клешуновонь институтсо безобразиянзо содылинзе студентэнь весе коллективесь. Содыль Антоновгак, што те Клешуновось лекциянь кунсолемо а яки аволь часонь час, а якиль чинь чоп, но Антонов чатмонсь, кодаткак мерат эзь примакшно. Секс кармасть лиснеме народонь неть врагтнэнь лездыцат комсомолетнэнь юткстояк. „Комсомолетсэ“ Безруков эзь кемть сенень, што НКВД сь кундынзе поличной марто родинань изменниктнэнь ды предательтнэнь, народонь врагтнэнь—Тухачевскоень, Эйдеманонь ды лиятнень. Те эшо а ламо. Сон кармась велямо контрреволюционной кортнемат. Те „комсомолетсэ“ понгсь лагерев. Тосо як появась эрва кодат мельть, а вадра кортнемат. Икелевгак столовоень тевсэнь. Тесэ як Безруковонь кондят классовой врагонь пуло пелькстнэ арсест вачкодемс сех сэрэдькс таркаванть ды тенсэ самай калавтомс тевенть.

Весе неть фактнэ ютыльть факультетэнь комсомольской организациятнень сельме икеле, нейль эйсэст комсомольской комитетсэ как ды институтонь комсомольской весе организацияськак. Содась истя жо парткомось, ансяк мезеяк эзь тейть ды сэрэдькс идиотской ормасонть беспечностьсэнь. Комсомолонь комитетсэ ды сонзэ секретаресь Зубков, Безруковонь комсомолсто каямодо кулянь лагерьс пачтизе сестэ, зяро кадовкшнось уш лагерной сборонть придомагенть кавтошка чи.



Н. И. ЕЖОВ ялгась.

СССР-нь трудицятне приветствовитъ Н. И. Ежов ялганть Ленинэнь орденсэ каземанзо

Советской правительствась тейсь постановления наградить Ленинэнь орденсэ СССР-нь внутренией тевтнень народной комиссаронть, Государственной Безопасностень Генеральной Комиссаронть Н. И. Ежов ялганть правительственной заданиятнень тевс ютавтомасонть НКВД-нь органдзэ руководствань тевсэнь покш успехтнэнь кис.

Удовлетворениянь пек покш мель марто вастызь СССР-нь трудицятне правительствань те постановлениянь. Эсь резолюциясост трудицятне покш мельсэ евтть поздравот ине Сталинэнь славной соратникентень, славной чекистнэнь боевой руководителентень, Ежов ялганть покш ды достойной награданть кувалт.

000

• СОВЕТСКОЙ ГЕРОИТНЕНЬ США-со УЛЕМАСТ

Соединенной Штатнэсэ официальной властью ды общественностьс пек покш мель явить Советской Союзонь геройтнэнь Громов, Юмашев ды Данилин ялгантнэнь.

Июлень 16 чистэ Советской геройтне мольсть Лос-Анжелос ошов Тихоокеанской побережьясо США-нь пек покш оштнэс вейкентень. Сынст честсь муниципалитетсэ (ошонь самоуправлениасо) ульнесь ютавтозь обед, конаньсэ ульнест деловой кругтнэнь представителест, армиянь ды флотонь офицертнэ, США-нь авиационной про-

Покш мельсэ вастызь Ежов ялганть награждениядо сообщенианть Московской Электрокомбинатонь рабочейтне. „Партиясь ды правительствась,—евтазь рабочейтнень резолюциясост,—тейсть достойной оценка тонь заслугатнэнь минек масторонть фашизмань агентуранть эйстэ—троцкисттнэнь, бухаринецтнэнь эйстэ, народонь ды трудовой весе чело-вечествань неть сех кежев врагтнэнь эйстэ ванькскавтоманть кис беспощадной бороцямосонть. Минь карматамо тонавтнеме тонь пельде, Ежов ялгай, большевистской, Сталинской бдительностентень ды лездатано тонет народонь весе врагтнэнь допрок лангс ливтемаст кис седе тов бороцямосонть“.

мышленностень представительтне ды ламо летчикт.

Громов, Юмашев ды Данилин ялгатне Лос-Анжелоссо ульнест Голливудонь—американской кинопромышленностень центрнэ кино-студиясонть—косо сынст приветствовать киноактертнэ.

Аэродромсо Советской летчиктнэ теевсть содавиксэкс Американь известной летчикенть Маттернэнь марто. Сон невтизе летчиктнэнь кавто мотор марто эсинзэ самолетонзо, конань эйсэ августсто арси ливтамо СССР-в.

(ТАСС).

СССР-нь ЦИК-сэ

СССР-нь ЦИК-сэ 1937 иень июлень 17-це чинь эсинзэ постановлениасонзо РККА-нь соединениятнэнь, частнэнь ды подразделение-нэнь боевой, политической ды технической анокстамосонть пек покш успехтнэнь кис Робоче-Крестьян-ской Якстере Армиянь командиртнэнь, политработниктнэнь, инженертнэнь ды техниктнэнь казинзэ: Ленинэнь орденсэ—4 ломанть;

Красной Знамянь орденсэ—72 ломанть; Красной Звездань орденсэ—10 ломанть.

**

Специальной производственной заданиянь успешнойстэ ды самоотверженнойстэ топавтоманзо кис СССР-нь ЦИК-сэ казинзе ведень транспортонь роботниктнэнь:

Красной Звездань орденсэ—7 ломанть; Знак Почета орденсэ—7 ломанть.

Од кочкицянть СССР-нь Верховной Советс кочкамотнеде

Кинь ули правазо кочкамс Верховной Советс

СССР-нь Конституциясь ды сон-эз коряс теэзь избирательной законось („СССР-нь Верховной Советс кочкамотнеде Положениясь“) лек парсте невтить, кие может кочкамс депутатт Советнэс, кинь можна кочкамс депутатокс ды ко-да должны ютавтневемс кочкамотне. Избирательной законсь 2-це статьясь аравты, што Советнэс депутатнэнь кочкамотне аштить всеобщейкс.

Всеобщей кочкамотне — истят кочкамот, конатнень эйсэ масторонть весе покш населениянть ули правазо примамс участия кодамоак ограничениявтомо.

Минек Советской масторсонть весе ломантнень, конатнень топодсть 18 иеть, расовой ды национальной принадлежностень, вероисповеданиянть, образовательной цензэнь, оседлостень, социальной происхождениянть, имущественной положениянть ды икелень деятельности лангс апокш вано, ули правасть кочкамс ды улемс кочказекс СССР-нь Верховной Советс. Арасть кочкамонь правасть анык умалишеннонть ды ломантнень, конатнень кочкамонь правасть саинзе судось.

Кодамо ладсо обеспечивается всеобщей кочкамотнень теветавтомась?

Весе, конатнень улить кочкамонь правасть, сермадовить кочкицянть спискатнес. Неть спискатнень тейнить оштнэс трудицянть депутатонь ошонь эли районной Советнэс, велетнес—велень Советнэс.

Трудицянть депутатнэ Советнэс кочкамотнеде 30 чиде икеле понгавтыть кочкицянть списка всеобщей обозрениянть туртов. Значит, эрва гражданинть ули возможностезь эсь шкасто ознакомиться списканть марто ды про-верямс: сермадозь ли сон тозонь, видестэ ли сермадозь сонзэ фамилиязо, лемезэ, тетя-лемезэ ды лият.

Бути гражданинэс муи кочкицянть списканть кодамоак а виде-чи, сон может максомс заявления трудицянть депутатнэ Советнэс исполнительной комитетнень. Законсь аравты (17-це статья), што те заявлениясь дол-

жен улемс ваннозь колмо чиде аволь седе позда.

Советнэс решениянть марто а согласмсто являвтыцяся может максомс пенямо народной судс. Народной судось обязан ванномс пенямонть панжозь судебной заседаниясо колмо чис. Народной судонть решениясь окончательной.

Истя избирательной законсь обеспечивает советской гражданин-тнень кочкамотнесэ участиянть примамонь праванть. Сон не ограничивается сеньсэ, што нолды всеобщей кочкамот, сон СССР-нь гражданинэнь максы возмож-ность осуществить эсинзэ праванзо.

Истят, подлинно всеобщей, кочкамот а соды вейкеяк буржуазной государства. Виде, капиталистической кой-кона мастортнень конституциянть эйсэ евтавить всеобщей кочкамот. Но тосо законсь аволь анык не обеспечивает алкукс всеобщей кочкамотнень ютавтоманть, но мекевлангт, эрва кодамо оговоркасо машты сынст.

Икелевгак, капиталистической весе государстватнесэ аравтозь оседлостень ценз. Примеркс, Франциясо, штобу улелель прават примамс участия кочкамотнесэ, эрви эрямс вейке таркасо кото кодово аволь седе аламо, Япониясо —иеде аволь седе аламо, США-нь кой-кона штатнэсэ жо—кавто иеде аволь седе аламо. Оседлостень те цензэс васняк нельги кочкамотнесэ участиянть примамонь правасть роботавтоманть пек покш массатнень, конатне роботань вешнезэ седедэсэ полатнить эрямонь таркаст. Саеви кочкамонь правасть шкань рабочейтнень, железнодорожничтнень ды моряктнень, бути сын кочкамонь шка-стонть аштить избирательной аволь эсистер участкатнесэ. Секе жо шка-стонть, примеркс, Венгриянь избирательной законсонть специальна евтазь, што оседлостень цензэс не распространяется духовной званиянть, чиновниктнень ды частной служащейтнень лангс.

Советской Союзсо арасть оседлостень ценз. Апокш вано сень

лангс, постоянна эли временна гражданинэс эри вейке таркасо, сонзэ ули кочкамонь правазо. Бути мик кочкицяся полатызе эрямонь эсинзэ тарканзо кочкицянть списканть публикованиянть чинть ды кочкамонь чинть ютксто, сестяк а саевить кочкамотнесэ участиянть примамонь сонзэ праванзо. Трудицянть депутатнэнь соответствующей Советсэ максы сонензэ удостоверения голосованиянть праванть лангс ды тешксты кочкицянть списканть—„тусь“ („выбыл“). Эрямонь од таркасонть —постоянносэнь эли временнойсэнь—кочкицяся невтысь голосованиянть праванть лангс удостоверениянть ды сермадови кочкицянть спискас.

Весе капиталистической мастортнэсэ кочкамотнесэ участиядонть устраниются од ломантне. Демократической истямо масторсо, кода Франциясь, кочкамонь правасть улить анык ломантнень, конатнень топодсть 21 иеть. Истя жо Англиясо, США со ды Бельгиясо. Венгриясо ды Польша-со, кочкамонь прават получить анык сеть, конатнень топодсть 24 иеть, Даниясо ды Япониясо жо—25 иеть. Но конатнень топодсть аравтозь те возрастоскак, улить правасть анык кочкамс, но а улемс кочказекс. Истя, примеркс, сень туртов, штобу улемс кочка-зекс Франциянь нижней палатан-тень, эрви, штобу возрастось улезэ 25 иеде аволь седе аламо, верхнеентень жо—40 иеде аволь седе аламо.

Мекевлангт, минек, СССР-сэ, арасть кочкамонь правань явома анык кочкамонь (активной кочкамонь права) праванть лангс ды улемс кочказекс праванть лангс (пассивной кочкамонь права). СССР-нь эрва гражданинэс, конанень топодсть 18 иеть, может кочкамс ды улемс кочказекс.

Капиталистической государства-не лишают од ломантнень, конатне армиясот, кочкамотнесэ участиянть возможностест. Буржуазиянть армиясь эрви сонзэ империалистической, завоеватель-ной цельтнень туртов. Буржуа-

зиясь пели эсинзэ армиянть политической просвещениядонть.

Мекевлангт, СССР-сэ гражданинэнь, конатне лововить Якстере Армиянь рядтнэсэ, улить правасть кочкамс ды улемс кочказекс весе гражданинэнь марто вейкедэстэ. („Кочкамотнеде Положениянь“ 5-це статьясь). Минек Якстере Армиясь эрва чинь политической просвещениясонть ды масторонть политической эрямосонзо участиясонть кемексты эсинзэ воинской дисциплинать.

Буржуазной ламо государстватнесэ (Франция, Бельгия, Швейцария ды лият) саезь кочкамонь правасть аватнень, конатне, кода со-дазь, составляют эрицянть пелест.

Мекевлангт, СССР-сэ аватнень улить правасть кочкамс ды улемс кочказекс вейкедэстэ цератнень марто (4-це статья).

Капиталистической весе мастортнэнь эйсэ эрять лепштызь национальностнень правасть явной эли кекшезь ограниченият. США-нь конституциясонть сермадозь, што киньгак не могут улемс саезь кочкамонь правасть „расань, кедень цветэнь эли икелень рабской состо-яниянь предлогонть коряс“. Алкукс жо, неграйтнень сехте покш пельксэнь саезь кочкамонь правасть английской сермадомо ды ловномо а маштомань тувталонть коряс. Американь южной вете штатнэсэ 99 проц. неграйтнень нельгезь кочкамонь правасть. Югославиясо сень туртов, штобу улемс кочказекс, эрви обязательно маштомс кортамо ды сермадомо государственной кельсэ. Истя жо Венгриясо. Те способонть саеви национальной меньшинствань трудицянть кочкамонь правасть. Эшо седеяк аламо улить правасть колоннальной лепштызь народтнень. Истя, примеркс, английской владениясонть — Южноафриканской Союзсонть — кочкамонь правасть улить анык ашотнень, 5,5 миллион неграйтне жо (африканской коренной эрицянть) овси отстраненной кочкамотнесэ участия-донть.

(Пезз 3-це страницасо)

Комсь иеде теде икеле

1917 ИЕНЬ ИЮЛЬСКОЙ ЧИТНЕ

1917 иень февральской читвестэ вооруженной рабочейтне ды солдатнэ панизь веревь инязоронть—Николаень. „Мир, кши ды оля-чи“—сермадокшность сын эсистер знамятнес.

Инызоронь своранть каршо битватнесэ Петроградонь (ней Ленинград) ды лия оштнэнь ульцятнева вальст эсь верест пролетарийтне ды солдатонь шинельсэ оршазь крестьянтнэ. Но перевороттонть (инязоронть ертомадонзо) мейле властэс понгсь буржуазной Временной правительстванть кедьс.

Меньшевиктнень ды эсертнэнь лездамост марто буржуазиянень удалась эсинзэ кедьс саемс сень, мезе макссь самодержавиянть лангсо изнямось, буржуазиясь тень теестэ тевс нолдась сень, што рабочей классось ульнесэ эшо аволь сатышкасто организовазь.

Рабочей классось, большевиктнень тердемаст коряс, революциянть васень читвестэ уш кармасть тейнеме властэнь эсь органт—рабочей, крестьянской ды солдатской депутатнэнь Советт. Но

сестэ Советнэс экекшность ламо меньшевикт ды эсерт. Рабочейтне сынест кемилить эшо, аресты, што сын кармить ванстома трудицянть интересэст.

Массатнень мельс-апарост касыль

Февральской революциядонть мейле ютасть колмо ковт, правительствась жо а топавтыль рабочей классонть ды трудиц крестьянстванть вейкеяк кемемаст.

Рабочейтне ды крестьянтнэ, инязоронть ертомадонзо мейле, вешть мир, Временной правительствась жо яла ветась верень валыця войнанть, кона кандыль лезэ анык капиталистнэнь ды помещиктнэнь. Народось вешиль кши, войнанть кувалт жо яла седеяк виензыль вачо-чись. Народось вешиль оля-чи, но буржуазной Временной правительствась весе сетнень марто, конатне, ульнесэ мельс апарост, расправлялся истя жо пек, кода расправлялись инязоронь жандарматне. Модась, конань учость крестьянтнэ, кадов-киньсь помещиктнень кедьс, фаб-

рикатне ды заводтнэ—капиталист-тнень кедьс.

Истямо ладсо, революциянть вейкеяк задача эзь ульне решазь, ды массатнень революционной возмущенияст (мельс-апарост) касыль эрва чистэ. 1917 иень весе май коновть перть ды сех пек июнь-стэ оштнэва мольсь забастовкат. Крестьянтнэ стьякшныль помещиктнень каршо.

Армиясонть истя жо касыль мельс-апарось. Кармасть марсееме кулят, што фронтсо таго тевс ютавтыль куломас казнямонть, одс формировиль а кунцолыця полктнень ды лият. Солдатнэ отказыль воювамонть эйстэ.

Бороцямось сех пштитэ мольсь Петроградсо. Июнень 13-це чистэ 19 заводт ды воинской 3 часть Петроградсо ульнесэ большевиктнэнь ено. Сын вешть вла-стэнь максомс Советтнэнь.

Буржуазиясь седеяк пек лепштыль

Буржуазиясь неиль, што Временной правительстванть лангс мельс-апарось касыль ды, восста-ниядо пелезэ, сонсь кармасть эдеме рабочейтнень лангс, штобу сынст лепштыамс стенам, кармав-томс кунсолото.

Фабрикантнэ кармасть пекст-

неме эсистер заводтнэнь. Майстэ пекстазельть 108 заводт, июньстэ—125, июльстэ—206. Капиталист-тнэ аресты: „А улить товарт, а улить продукт, рабочейтне а кармить получамо роботань кис питне, вачо-чись лоткавтсынзе сынст бунтовамо“. Фронтсо жо те шканть мольсь од наступле-ниянь анокстамо. Временной пра-вительствась анокстыль куломас таго кучомс зяря тыщат рабо-чейт ды крестьянт.

Но тевэз лисиль аволь се, мезе аресты капиталистнэ. Сынст угрозатне ды тевтне рабочей клас-сонть ютксо ды революционной солдатнэнь ютксо кастась покш возмущения. Теке марто Петро-градов кармасть пачколеме кулят фронтсо наступлениянть лондадо-мадо. Возмущениясь ды мельс-апа-рось яла седеяк пек касыль.

Пулеметчиктнэ лиссть сех икеле

Июлень 3-це (од стилент коряс—16-це) чистэнь валскень шкасто пулеметной васенце полксонть ми-тингсэ солдатской массанть пред-ставительтне вешть сеске жо теемс вооруженной выступления, штобу ертомс Временной прави-тельстванть.

(Поладксо 3-це страницасо).

Райкомось стувтынзе комсомолецтнэнь

Хлыстовка велень комсомольской первичной организациясь кодамоак политико-воспитательной работа а вети. Политтонавтнема организоваз арась, промксткак мик а эрсекшнить. Комсомольской организациясь те шкас эзизе тонавтне ВЛКСМ-нь ЦК-нь III-це пленумонь решениянь кочкамонь од системань коряс Советс кочкамотненень комсомольской организациятненень анокстамодо, Косарев ялганть докладонзо. Истя жо апак толкова обкомонь IV пленумонь решениязояк. Комсомолецтнэ аволь союзной од ломантненень ютксо Советнэс кочкамотненень анокстамонть

коряс работа а ветить, од ломантненень эйстэ сынъ сезевезь.

Мекс те истя лиси? Мекс а работы комсомольской организациясь? Васняк секс, што комсоргось Филиппов а лови обязанностекс топавтором комсомольской организациянь поручениянзо—а организаци политико-воспитательной роботанть комсомолецтнэнь ды аволь союзной од ломантне ютксо, омбоцекс секс, што ВЛКСМ-нь Чамзинкань райкомось стувтынзе комсомолецтнэнь, сон а соды кода сынъ роботыть.

Н. К.

Организациянтень теезь комитет

Чамзинка. Аволь умок эщо Пянгийей велень комсомольской организациясонть ульнестъ ансяк 3 комсомолецт. Организациясь кеместъ кундась колхозной од ломантненень комсомолс анокстамонть, ды июнень 24-це чистэ комсомолонь райкомонь бюросо кемекстазть комсомолс сынст анокстат 9 од ломантненень Атяшкинэнь, Гераськинэнь, Калашниковонь ды лият. Организациясь комсомолонть касомасо роботанть теке

лангс эзизе лоткавто. ВЛКСМ-нть уставось ды программась толковави икелев молиция лия од ломантнененьгак, конатненень ули мелест совамс комсомолс.

Июлень 16-це чистэ тосо ульнестъ отчетно-кочкамонь промкс. Ульнестъ кочказь комитет, козонь совастъ Колганов С., Девяткин В. ды Сухарников В.

Промксось ютась активно, виев критика марто.

А. Атяшкин.

Кинь ули правазо кочкамс Верховной Советс *)

(П Е З Э)

Мекевлангт, Советской масторсо гражданти, конатне принадлежат эрва кодат расатненень ды нациятненень, пользуются вейкетъ правасо. СССР-нь избирательной законось Сталинской Конституциянь коряс аравты весе нациятненень полной равноправия. Сон заботи седе, штобу кочкамотнесэ могли примамс участия весе нациятненень ды народностытненень гражданти, ды те целентъ кис, между прочим, аравты, што кочкамонь

бюллетеньтне печатавить соответствующей избирательной округонь кельсэ (68-це статья).

Истямом ладсо СССР-сэ тевс ютавтовить алкукс всеобщей кочкамотне.

Минек избирательной законось невити весе масторлангонть, мезе те подлинно социалистической демократиясь, лиякс меремс—весе народонть туртов, но аволь богатейтненень ды эксплуататортненень куцинентъ туртов демократиясь.

(Саезь „Комсомольская правда“ газетасто).

*) Ушодксонзо вант 2-це страницасто.

1917 ИЕНЬ ИЮЛЬСКОЙ ЧИТНЕ

(П О Л А Д К С О З О)

Сталин ялгась етнн, што секе жо чистэнтъ большевиктнэнь общегородской конференциянь заседанияв совастъ пулеметной полконтъ пельде кавто делегатт.

„Минек полконтъ арситъ раскассировамс !),—мерсть сынъ,—минек лангсо нарыгить. Миненек седе тов а мезе учомс, секс решинек теэмс выступления, тень кис кучиник уш делегатт заводтнэва ды полктнэва“.

Пулеметиктнэнь пельде делегаттнэнь паро мельсэ вастылизъ заводтнэсэ ды фабрикатнесэ. 30 тышат путиловецт согласастъ сынст тердеманть марто ды лисстъ демонстрацияв. Сынст юткс поладовст лия предприятиятненень роботейть.

Большевиктнэ парсте содылизъ Петроградонь робочейтненень ды солдаттнэнь мелест-превест, неильть, што сынъ бажить бойс. Но большевиктнэ ловст, што сестэ эщо эзь сакшно шка вооруженной выступлениянь кис. Большевиктнэ содасть, што эщо аволь весе робочейтне ды крестьянтнэ чаркодизъ меньшевикско-эсеровской

маньшеманть. Большевиктнэ содасть, што бути петроградской робочейтне сеть читнестъ кедьсэст оружия марто стявольть Временной правительстванть каршо, сынест, секень ванг, аволь лезда бу лия оштнэнь трудиятне, ды воинской ламо частытне, конат эщо верноелть Временной правительстванть, стявольть бу воставшейтненень каршо.

Но буржуазиянтень лезэв ульнестъ се, штобу Петроградсо улевель теезь шкадо икеле выступления. Зярдэ робочей классонть вийтне сатышкасто эщо эзь ульнестъ кеместъ пуриавозь, сон жо, буржуазиясь, весе вийсэ бажиль, штобу теевтемс, спровоцировать истямом выступления ды мейле сонзэ ваявтомс верьс.

Куш большевиктнэ ульнестъ выступлениянь каршо, яла теке, зярдэ робочейтне ды солдаттнэ июлень 3-це чистэнтъ стихийна лисстъ ульцятнес, большевиктнэ кармасть улеме демонстрациянь прявтокс, штобу сонзэ максомс организованной, мирной характер ды штобу буржуазиянтень а кода улевель народонть спровоцировать (тулкадемс) шкадо икелень вооруженной выступленияс.

Июлень 4-це чистэнтъ демонстрациясь мольсь од вийсэ. Де-

монстрациянь прявтокс ульнестъ большевиктнэ.

Демонстрациянь леднемась

Буржуазиянтъ учоматненень-кематненень лангс апак вано, демонстрациясь мольсь мирнойстэ, но контрреволюционертнэ решизь, штобу мезе бу аволь уле, теэмс верень валом. Сынъ кучнестъ эсист патруль Петроградонь (се шкань столицанть) весе ульцятнева, кува ютыльть демонстрантнэ. Кудотненень прява аравтнестъ пулеметт. Ды вана мирной демонстрациянь лангс леднестъ ружиясь ды пулеметсо. Верьсэ валовось Петроградонь мостовойтне. Маштозъ ломантненень рунгот вельтизъ ульцятненень.

Демонстрациянь леднемась ульнестъ сигналокс робочей организациятненень калавтоманть-тапавтоманть. Июлень 5 (18) це чистэнтъ валскенъ шкасто контрреволюционной воинской частне ды юнкертнэ тапизь-калавтызъ „Правданти“ редакциянзо, июлень 6 (19) це чистэнтъ занизъ Петропавловской крепостентъ, косольть революционной солдаттнэ ды тапизь-калавтызъ кудонтъ, косо ульнестъ большевиктнэнь партиянь комитетэсь.


Громилатне варварства марто ды пек казямосто нарыгастъ икеле

молиция пролетарийтненень лангсо. Бандиттнэ ульцясто вастызь Воинов робочеентъ, кона явшесь-микшнестъ „Правданти“,—зверски маштызъ сонзэ, газетатненень жо тоско, ульця куншкасо пултызъ. Фронтсто тердезельть правительстванть верной воинской частытне. Ошканть якильть юнкерской патрульть, ванстыльть погромщиктнэнь. Арестовамотне, обысктнэ маштнематне, робочеень квартиратненень тапсепматне мольсь апак лоткесе.

Секе жо чистэнтъ Временной правительствасъ мерсь арестовамс Ленинэнь ды максомс сонзэ судс. Партиянь решениянзо коряс, Ленин тусь подпольяв. Робочейтне парсте кекшизъ эсист вождентъ, ды Временной правительстванть пельде кучозь ламо сядот вешницятнененьгак сон эзь муеве. Подпольясто Ленин вейсэ Сталин марто ветиль бороцамонть эйсэ.

Ды те стака шкастонть негодаятне ды предательтне, конат мейлетеевстъ фашисттнэнь прямой агенткс—Троцкий, Каменев ды Рыков,—вешсть, штобу Ленин молевель Временной правительстванть судс. Истямом ладсо сынъ партиянь вождентъ максыксэлизъ нарыгамонь кис буржуазиянтень.

Но Сталин ялгась пек кеместэ (Пезэ 4-це страницасо).



МОСКВА—ВОЛГА КАНАЛОСЬ

СНИМКАСОНТЬ: 6-це № шлюзось (видэсь парходонтъ эйстэ, кона совась шлюзос).

Фотось Собельниковонь (Союзфото)

КАВТО СИГНАЛТ ВЕЙКЕ ВЕЛЕСТЭ

Нетъ читнестэ Хлыстовкань колхозниктнэ лисстъ сюронь урядомо, конатненень, эряви меремс, сынъ анокстастъ аволь беряньстэ. Но паксянь роботатненень овси а анокстыть партийной ды комсомольской организациятне.

Кода карми улеме аравтозъ культурно-массовой ды политико-воспитательной роботась колхозниктнэнь ютксо, кие карми паксянь стантнэва беседань, лекциянь, докладонь тейнеме, стенгазетань нолдтнеме—теде кияк а соды.

Хлыстовка велесэ культурной

вий ламо: партийной ды комсомольской организацият, ловнома кудо, библиотека, клуб ды учительт. Но тень лангс апак вант культурно-массовой работа од ломантненень ютксо арась.

Клубось, ловнома кудось свал пекстазъ эрить, библиотекась жо пекстазъ секс, што арась библиотекарь.

Велень руководителтьне, Бобин парторгось ды комсоргось натъ кизэнь „каникулт“ яволявстъ ды пекстызъ культурно-массовой роботанть.

Студент.

Колхозниканть валозо

Бабина Стефанида „Красный Октябрь“ колхозсо свал роботы звеньеводкакс. Сон содасы, бути парсте аравтомс звенасо роботанть—норматне топавтовить велькскэ. Ней Бабинань звеназо кочки суро. Суронь кочкомсто норматненень топавтты 200 ды седе ламо процентс.

Нуема ланга Бабинань звеназо карми лобогрейка мельга пултонь

скулмсе. Бабина колхозниктнэненень макссь вал:

—Минь нуема ланга истя жо карматанок велькскэ толавтомом норматненень, вейкеяк колоз а кадтанок паксяс, истя жо карматанок бороцамо сталинской урожаентъ кис.

Н. Калеев.

Чамзинкань район,
Хлыстовка веле.

Французской комсомолонь с'ездэнтъ прядовомась

Париж, 14. Исяк Парижсэ прядовсь французской комсомолонть с'ездэсь. С'ездэсь шнызе французской комсомолонь секретарентъ Раймон Гюйонь отчетонзо. С'ездэнтъ решениянзо коряс Франциясо тееви велесэ реакционернэнь каршо бороцямонть туртов „Французской крестьянской од ломантнень Союз“.

„Об'единенной социалистической од ломанень“ испанской федерациянтъ генеральной секретаресъ Сантьяго Карильо тердсь французской од ломантнень фашизмонтъ лангсо изнямонь интереснэсэ единствантень. Седе тов Карильо лангс таргась Гитлерэнь ды Франконь троцкистской агенттнень Испаниясо преступной деятельности, истя жо тешкстась, што Испаниясо фашистской государстватнень интервенциясь угрожает всеобщей мирэнтень. Испанской делегациясь ульнесь вастазь Испанской республиканть честьс лек виев овациясо.

„НИЩОЙ“ ГРАНИЦА ЛАНГСО

Северо-Западной граница, июлень 15-це чи. Пограничной апокшке лейне чирестэ робочеесь Валентин Федоров нейсь а содавикс ломань. Дряхлой, раздэс одижасо ломанесь кадызе ве пелев населенной пунктонтъ, састыве ютыль границанть енов. Атясь молись Федоров ваксс, вешсь кедьстэнэ милостинка, ды мейле таго сыр-гась границанть енов.

Федоров решась, што тевесъ тесэ а ванькс ды лоткавтыксэлизе подозрительной нищоентъ. Но те шкастонть жо теевсь метаморфоза. Дряхлой атясь теевсь шождынекс, прок спортсмен. Сон чаккодинзе пильгензэ ды кармась пек чиеме границанть енов. Федоров сонзэ сасызе пограничной палмандентъ а васолдо. Тесэ родинань патриотонтъ ды врагонть ютксо сжолмавсь турема. Границань нарушителесь пек сопротивлялся, но яла теке Федоров пурдынзе сонзэ кедензэ ды ветизе пограничниктнэнь.

„Нищой“ атясь, кода лиссь лангс, ульнесь 30 иесэ ломань. Омбо ма-сторонь вейке разведкань задани-анзо коряс сон снартнесь ютамс государственной границанть пачк. „Нищоень“ ролентень сон анок-стась пек тщательна—мусь специальной одижа, ламо ковт эзь нар-сек, кастсь кувака пря-черть, са-калт.

1917 ИЕНЬ ИЮЛЬСКОЙ ЧИТНЕ

(П Е З Э)

молись тень каршо ды Ильичень ванстызе революциянтъ туртов.


Контрреволюциясь манявсь

Петроградонь робочейтнень ды солдаттнень леднемадонть мейле, капиталистнэ арестъ, што сынъ леднизь революциянтъ. Тевсэ жо лиссь мекевлангт. Демонстрациянтъ леднемась весе робочейтнэнь ды крестьянтнэнь невтизе, што меньшевиктнэ ды эсертнэ виськстэме маньшитъ, сень кувалт кортазь, будто сэтместэ можна кортнемс-те-емс буржуазиянтъ марто. Весе чар-кодсть, што Временной правитель-ствась—капиталисттнэнь ды меньшевиктнэнь правительства, што робочейтнэнь ды крестьянтнэ-нень те правительстванть пельде

учнемс а мезть, леднемаднеде башка Робочейтне, крестьянтнэ ды сол-даттнэ яла седеяк пек ды пек чар-кодильть, што ансяк большевикт-нэ народонтень кортыть видестэ ды трудицятнень ветить виде кия-ва, сынст тердить анокстамс вийть Временной правительстванть ерто-манзо туртов.

Большевиктнэнь партиянтъ рядт-нэ кармась бойкасто касомо. Пет-роградсо партиянтъ члентнэ колмо чис ламолгадсть эщо 2.500 ло-маньс. Советтнэс депутаттнэнь кочкамсто ламо заводтнэва ме-ньшевиктнэнь ды эсертнэнь таркас робочейтне депутатокс кучтнестъ большевикт.

Революциянтъ виензэ кемек-стыльть. Малав сыльть решитель-ной бойтне.



Испанской зодчества нь исторической памятниктнэ, конатнень яжизь-ка-лавтызь фашистской мятежничкнэ ды германо-итальянской интервенция. СНИМКАСОНТЬ: Пуэрта-дель соль Толедосо средневековой ортамне.

ИСПАНСКОЙ НАРОДОНТЬ ГЕРОИЧЕСКОЙ БОРОЦАМОНЬ ГОДОВЩИНА

Июлень 18 чистэ республиканс-кой Испаниянь народной массатне тешкстызь фашистской интервен-тнэнь ды мятежничкнэнь каршо эсь героической бороцямонь годовщи-нанть.

Валенсиясо покш митингсэ кор-тазь Испанской республикань пре-зидентэсь Асанья. „Испаниянтъ лангс,—мерсь Асанья,—кажавсь война марто 3 масторт: Гер-мания, Италия, Португалия. Гер-маниясь ды Италиясь бажить, што-бу саемс минек шахтатнень ды ми-нек морской базатнень, штобу из-нямс минек ды лоштямс лият го-сударстватнень, кода Англиянтъ ды Франциянтъ“. Асанья пек ке-местэ критиковизе невмешательст-вань коряс лондонской комите-тэнтъ деятельностинэ. Весе ауди-

ториянтъ виев аплодисментэнь пинг-стэ, Асанья мерсь, што интервен-циянь сех берянь формакс уле-вель бу мятежничкнэнь воевиця сторонань праванть максомась. Асанья прядызе кортамонзо сеере-масо—„Шумбра улэзэ республи-кась! Шумбра улэзэ оля-чис! Шумбра улэзэ Испаниясь!“ Ло-мантне, конат ульнестъ митинг-сэнтъ, тейсть президентэнтень виев овация.

Испаниянь правительстванть пря-втось Хуан Негрин макссь ТАСС-онь корреспондентэнтень яволявкс, конасонть евтазь: „Мон кучан приветствия советской на-родонтень бороцямонь разгарст-онтъ, се чинть годовщинастонть, зярдо испанской народосъ кепе-тетсь военной мятежентъ каршо, кона сыргась иеде теде икеле, но анокстазель зярды иень перть Со-ветской Союзонь ды Испаниянь вейсэнъ врагтнэнь лездемонть мар-то. Испаниясь ды сонзэ марто ве-се масторлангось кармить пинге-де-пингес улеме благодарной Советской Союзонтень ды сонзэ великой вождьтнэненъ сень кис, што сынъ чаркодизь исторической се моментэнтъ значениянзо, ко-насонть минь эрятань, макссь бод-рость минек масторонтень ды лез-дасть тензэ. Те лезксэнтъ максов-тызь международной обязательст-ватне, конатнень сынъ саизь эсь лангозост ды мирэнь тевентъ иде-ме покш мельсэ бажамось“.

Республиканской Испаниянь ве-се газетатне июлень 18 чистэ пе-де-пес алтызь эсь номерэст испан-ской народонь героической боро-цямонь годовщинантень. Статъя-нень эрьва строкась корты испанс-кой народонть кеме бороцямонть допрок изнициякс лисемазост.

ТАСС.

Кино.

АЛКУКСОНЬ КАРТИНА ПОКШ ТЕВДЕ

„Семеро смелых“ звуковой кино-фильманть мон ванья колмоксъ. Арсян ваноманзо эщо. Сон ушодо-ви овси аволь сложнойстэ: минек родинанть сисем од церат, смелой комсомолецт кадовсть Арктикас, штобу тонавтнемс сонзэ.

Сынст эйсэ учи арктической теле, пек покш тев, сынст эряви варшнемс ископаемойть. Фильма-сонть ваньцянть икельга вейке-вейке мельга ютыть неть сисем комсомолецтнэнь геройстваст, ар-ктической телень пек стака усло-виянтень каршо сынст пек виев бороцямост. Вана врачось Женя Охрименко ды летчикесь Богун. Сынъ апак вано пек виев бурянтъ лангс—ливить чукчань лечамо. Теке жо шкастонть зимовкань на-чальникесь Илья Летников ды ме-теорологось Ося Корфункель туить геологоразведкас. Пек стака ус-ловиянтесэ сынст роботаст, а жа-лия якшамонть, пурганть каршо геройской бороцямост кармавтыть вечкеме сынст, неть сисем славной комсомолецтнэнь, Ленинэнь-Ста-линэнь партиянтъ учениктнэнь.

Аволь беряньстэ невтезь се тар-кась, зярдо сисем смелойтнэнь по-лавтомо састэ од вийть, истят жо смелойть, истят жо геройть. Вана эль туй пароходонтень шлюпкась. Женянь арась мелезэ туемс. Секе шкастонть сась радиогамма, косо мерезь Женяненъ кадовомс эщо вейке нес. Те кулянтъ од врачось вастызе пек покш кенярдома марто.

Ды таго, кода фильманть ушо-домсто, од патриотнэ ружиясо лед-незь максыть салют.

Пароходось тусь. Моразевсь гармошкась, конанть поладызь комсомолецтнэ эсист вечкевикс моросост:

„Лейся песня на просторе...“

Паро картинась, сон кепеди ро-ботамонь энтузиазма, кармавты од ломантнэнь бороцямс стакатнень каршо, кармавты вечкемс эсник не родинанть.

Н. Симдянов.

АЛТАМОСТ ЭЗИЗЬ ТОПАВТО

Ташто Ардаговань школьной пионеротрядонь пионернэ Мамаев Вася, Бурнаев Степа ды Сытянкин тонавтнестъ отличнасто ды парсте. Школань дирекциясь ды пионер-отрядонь советэсь неть пионер-нэнь кизэнь каникулатнестэ кучик-сэлизь оймсеме пионерэнь район-ной лагерев. Но пионернэ те шкас лагерев апак кучт, школань директорось Прошкин Д. кудов туемстэнзэ киньгак эзь кармавто сынст лагерев кучомадо.

Комсомольской организациянтень эряви варштамс пионернэ лангс ды кучомс сынст пионерской ла-герев.

П. И. Мамаев.

Ардаговань район,

ИЗНЯСЬ РУЗАЕВКА

Июлень 18-це чистэ, Саранскоень стадионсо вастэсь волейболсо нал-ксиця кавто командат: Саранскоень ды Рузаевкань. Васень пелькс нал-ксемась прядовсь Саранскоень пользас. Контровоесь жо невтизе, што Рузаевкань командась налкси седе парсте ды Саранскоеньсетнень изнизе.

Г.

Редакционной коллегия